


太平御覽

十四



内閣文庫			
番號	漢	1842	
冊數	240 (14)		
函號	別	14	1




Kodak Gray Scale


A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak







太平御覽卷第九

天部九

風

易曰撓萬物者莫疾乎風

又曰風以動之

又曰風行天上小畜君子以懿文德

又曰巽為風

又曰雲從龍風從虎

又曰風行地上曰觀

淺草文庫

尚書金縢曰周公居東二年則罪人斯得於後公乃為詩以遺
王名之曰鳩號王亦未後敢誚公秋之熟未獲天大雷電以風
禾尽偃大木斯拔邦人大恐王與大夫尽弁以啓金縢之書乃
得周公請伐武王之說王執書以泣曰其勿穆卜昔公芻芳王
家惟予冲人弗及知今天動威以彰周公之德朕小子其新逆
我國家礼亦冥之王出郊天乃雨反風禾則尽起

又舜典曰納于大麓列風雷雨弗迷

又洪範曰休徵聖時風若欲徵蒙常風孔安國曰君能通理則風順之君行蒙闇則常

順之

詩曰大風有遂貪人敗類

又曰終風且曠終日而為終風

又曰習又谷風以陰以雨

又曰凱風自南吹彼棘心南風謂之凱風

又曰冬日烈又飄又風發

礼記月令曰秋行春令則爰風來至

又曰立春之曰東風解凍

又曰春行秋令則人大疫飄風暴忽至

又曰夏行春令則蟲蝗為灾暴風來至

又曰前有塵埃則載鳴鳶不鳴則風至

又曰饗帝於郊西而風節寒暑時五帝主五行之氣和而庶徵得其序也

左傳曰楚侵鄭甚雨楚師多凍餒徒飢盡晉人聞有楚師不曠

曰不害吾驟歌北風又歌南風南風不競註曰歌者吹律以詠八風南風音為風故

曰不競師曠唯歌南北風者訢晉楚之強弱也

又曰喜公十年春六鷁退飛過宋都風也

又曰昭公四年申豐曰夫水以風出其歲之也周其用之也徧

則冬愆陽夏無伏陰春無淒風秋無苦雨今歲川池之水棄而

不用則風不越而杀

尔雅曰登風曰磔今谷當大道中磔苟以正風此其像也

又曰南風謂之凱風詩凱風南東風謂之谷風詩習谷風北風謂之

涼風詩曰北風其涼西風謂之秦風詩曰秦風有燧焚論謂之頽暴風從上下也扶搖

謂之焱暴風從上下也風與火為庖炮炔熾盛之兒迴風為飄旋風日出而風

為暴詩曰終風且暴風而雨土為霾詩曰終風且霾陰而為曠詩曰終風且曠

又曰四氣和通正道平陽也謂之景風所以致景風也

論語曰曾點曰暮春者春服既成冠者五六人童子六七人浴

乎沂風乎舞雩詠而歸

又曰君子之德風小人之德草又上之風必偃

又曰迅雷風列必變

易籍覽圖曰太平時陰陽和風雨成同海內不徧地有儉易故風有遲疾雖太平之政猶有不能均同也唯平均乃不鳴條易通卦驗曰冬至廣莫風至誅有罪斷大刑立春條風至赦小罪出稽留春分明庶風至正封疆脩日疇立夏清明風至出弊帛禮諸侯夏至景風至辨大將風有功立秋涼風至報土功祀四鄉秋分閭闔風至解懸垂瑟不張立冬不周風至修宮室完邊城八風以時則陰陽變化道成万物得以育生王當順八風行八政當八卦也

京房易侯曰何以知聖人隱也風清明其來長久不連搖物此有龍德在下也

易緯曰八節之風謂之八風立春條風至東北風春分明庶風至

東方風立夏清明風至東南風夏至景風至南方風立秋涼風至西南風

秋分閭闔風至北方風呂氏春秋說八風東北曰焱風高誘註曰亦曰融風東方曰滔風東南方曰蒸風南方

北曰巨風西方曰颼風西北方風冬至廣莫風北方風

尚書大傳曰舜將禪禹八風循通

又曰王者德及皇天則祥風起

又曰成王時越裳重譯而來朝日久矣天之無烈風澍雨意中

國有聖人乎

大戴禮曰正月時溪風浚者大也大風南風也何大於南風也
曰合北必於北風解水必於南風故大之也

禮記命徵曰出子令合民心則祥風至

禮說曰風萌也養物成功所以八風象八象也禮緯同

禮斗威儀曰人君政頌平則祥風至宋君註曰即景風也

春秋考異郵曰八風殺以節翱翔距冬至四十五日條風至條

者達生也距猶起也自冬至後四十五日而立春此四十五日庶

風至明庶迎惠春分之候言庶衆也陽以施惠之恩四十五日

清明風至精芒挫收立夏之候也挫猶止也特莽變之群秀出

四十五日景風強也景風至強以成之夏至之候也強四十五

日涼風至涼風者寒以閉之立秋之候也閉收也四十五日閭

闔者當寒天收也秋分之候也閭闔盛也時盛四十五日不周

風至不周風者不交也阡阡未合化也立冬候也未合化言消

天地不通而四十五日廣莫風至廣莫者精大滿也冬至之候

閭塞成冬也風之為言萌也其立字虫動於几中者為風也言冬物

無見者風精大於几言陽氣無不周也明坤虫之業得生

春秋元命苞曰陰陽怒為風也

春秋繁露曰思及金石則涼風至王者與臣无礼身不肃敬則木不曲直而夏多暴風者木者木之氣其音用故應

孝經援神契曰德者至八方則祥風至

史記曰項王圍漢王三匝於是風從西北起折木發屋揚沙石楚軍大乱而漢乃得与數十騎遁去

又曰蚩尤氏能風召雨黃帝爭強滅之中冀

又曰庶女者齊之寡婦養姑又女利毋則而殺毋以告寡婦又不能自解以寃告大風襲於齊殿

又曰荆軻入秦燕太子丹送別易水上歌曰風蕭又兮易水寒

壯士一去兮不復还

漢書曰燕王都剡大風拔宮中封亡圖已上十六枚壞城樓後王誅

漢書曰高祖過沛擊筑自歌曰大風起兮雲飛揚威加海内兮歸故鄉

魏志管輅傳曰輅過清河倪太守旱輅言封上已有少女微風封間又有陰鳥和鳴其雨應至矣果如其言

晉書曰永和元年大風拔柳封百餘株故若風從八方來者時王敦害刁協周顛等故風橫拔封非一處也

又曰賈謚家數有妖異飄吹其朝服上數百尺大蛇中被中後
果及禍

晉陽秋曰袁宏為東郡守謝安執宏手授扇宏曰謹當奉陽仁
風慰彼黎庶

宋書曰明帝猜慮肌骨憎風夏月着小皮衣拜左右二人為司
風令史風起方面輒光啓聞

又曰宗慤字元幹徵士炳兄子也少時問慤所志曰願乘長風
破万里浪

前奏錄曰術士蓋欽符堅君至長安曰讌會以其或衆將誅之

酒酣將執欽又化為族風飛去

前京錄曰永和五年抱罕令岩羌妾產一龍一鷲又尋飛去龍
十五日雷雨迎之大風吹拔張掖郡大樹經宿還立

趙錄曰石勒時忽有旋風下屎地隱又雷聲良久視之見大石
神仙傳曰老子將去周而出關以昇崑崙閔令尹喜占風逆知
當有神人來過乃掃道見老子知喜念應得道乃停關下以長
生之事授之

又曰葛玄得行過神廟乘車不下須臾大迴風逐玄塵埃漲天
玄大怒曰小邪尔敢即拳手指風又便止

益部耆舊傳曰蜀楊由善風雲占候文季令豐持鷄酒以奉由
持有客不言客去風起欲取鷄酒以奉由止之曰向風吹削柿
當有持鷄酒來者度是二人豐曰實在外須臾客去取耳
王子年十遺曰伏羲坐於方炫之上听八風之氣乃畫八卦
又曰崑山有四面風又有祛塵之風若衣服塵汗風至吹之則
淨
又曰瀛洲時有香風冷然而去張袖受則歷紀不歇着肌膚必
軟滑

十洲記曰南海中有炎洲又有風生獸形似狗青色狀如狸
以錢權鍛其頭數十下乃死張口向風須臾即起

風土記曰南中六月則有東南長風又六月止倍号黃雀長風
時海魚變為黃雀因為名也庾仲雍湘洲記曰零陵山有石鷺
遇風雨即飛雨止还化為石

交州記曰風山在九原郡風門在山頂上常風起

又曰風母出九德縣風母似猿見人若慙而屈頸若打殺之得
風还活

南越志曰熙安間多颶風音具風題者具四方之風也一日懼風
言怖懼也常以六七月興未至時三日鷄犬為之不鳴犬者或

至七日小者一二日外國以為黑風

盛弘之荊州記曰宜都佷山縣山有風亢張口大數尺名曰風井夏則風各則風入風出之時吹拂左右常淨如掃暑月經之

凜冽有以喪想宜都山記曰袁山松以六月至此穴便思衣喪

又曰沮楊縣黃竹山常肅又有風名曰風門

西涼雜記曰董仲舒曰太平之世風不搖條開甲破萌而已

老子曰飄風不中朝

莊子曰列子御風而行冷然經旬五日而復反司馬彪註曰列子鄭人列禦寇

也御迎也冷然涼兒

又曰比溟有魚其名曰鯤化而為鳥其名曰鵬搏扶搖而上者

九萬里司馬彪云扶搖上行風也風之積也不厚則其負大翼也無力故九万里則風在下矣

又曰大塊噫依介氣名曰風是唯無作又則万竅怒號而獨不

聞之琴又手長風之聲

又曰湯之問棘也窮髮之比有冥海者天池也有魚焉其廣數

千里其名為鯤有鳥焉其名為鵬皆若太翼若垂天之雲搏扶

搖羊角而上者九萬里扶搖羊角風也今旋風上如殺羊角也

列子曰列子御風師老高氏友伯高子進二子之道乘風而歸

莊子曰列子御風而行冷然至旬有五日而後反

管子曰吾不能以春風人夏雨又人吾道窮矣

又曰夫兩堯不能相王兩桀不能相亡未雖蠹無疾風不折檣
雖巢無大雨不壞

淮南子曰物類之相應玄妙深微論辨不能解故東風至而酒

沉溢東風大風也酒沉清酌酒也米物下沉水味酸又風入酒故酢而沉者弗蓋物類相感也

又曰烏鵲識歲之多風去喬木而巢扶枝扶倚也

又曰禹沐浴而櫛扶風扶風

又曰騰蛇雄鳴上風雌鳴下風而化成形

又曰庖嘯而谷風至高誘曰庖陽歎也與風同類

又曰人主之精通于天故誅暴則飄風

抱朴子曰用兵之要雄為風急扶搖獨鹿之風大起軍中軍中
必有反者風高者道遠風下者近風不鳴葉者十里鳴條搖枝

百里大枝五百里仆大木千里折大木五千里三日三夕天下

及風二日二夕天下半風一日一夕万里風

周生列子曰夫獵葉之風不應八節

呂氏春秋曰何謂八風東北風曰殺風一日融風東方曰滔風一日燕風

東南風曰薰風一日清明風南方曰巨風一日凱風西南風曰凄

風淮南子西方曰颶風一日閻風西北方曰厲風一日不周風

淮南子

閻風

周風

風倍通曰風或清明來久長不搖樹木枝葉離地三二丈者此有龍德在下風或清明不及二三尺者此君子之風也

又曰猛風曰飈

列音

涼風曰瀏

列音

微風曰飈

奈音

小風曰飈

搜音

小風

從孔來曰飈

呼穴反

周書時訓曰小温之風曰温風至立秋之日凉風至又曰小暑之日温風不至國無寬教

淮南方畢術曰欲至疾風焚雞羽

帝王世紀曰堯時厨中自生肉膊簿如翬搖則生風使食物寒而不臭名曰翬膊

又曰舜彈五絃琴歌曰南風之薰兮可以解吾人之愠矣

括地圖曰鍾山之神名曰燭親視為晝眠為夜吹為冬吁為夏息為風

又曰竒肱民能為飛車從風遠行湯時西風吹竒肱車至於豫州湯破其車不以示民十年西風至乃復作車遣賜之去玉門四万里

黃帝風經曰調祥長和天之喜風也折揚奔厲天之怒風也

山海經曰法嶽之山有獸其名曰山揮

音揮

其行如風

音疾

見則天

下大風

又曰大荒之中有山鞠陵于天下有人名曰折丹神人處東極以出入風

又曰符陽之山多恠風

又曰太極山東有溫水湯風不可過也

河圖帝通紀曰風者天地之使

六韜曰人主好曰獵畢弋則歲多大風禾穀不實紂時如此

陸機要覽曰列子御風常以立春歸于八荒立秋遊乎風曰穴是風至草木皆生去則搖落謂之离合風

潛夫論曰排翳障風撲沙擁河無禦也

又曰黃帝夢大風吹天下塵土得風后以為相

漢武帝曰秋風辭曰秋風起兮白雲飛草木搖落兮鴈南歸汎
樓船兮濟汾河橫中流兮揚素波龍魚河圖曰風者天下之使也

荆山圖曰狼山縣山下有石床傍生野薤人往乞者神許則風吹制其分齊隨偃而剪不得過越

廣雅曰風伯謂之飛廉

法訓曰利物誘人猶飄風至加庶草也唯有且順者然後不回
潛潭巴曰疾風拔木讒臣次忠臣辱

崔豹古今注曰武王伐紂大風折木公曰折蓋之形而制曲蓋
養性經曰治身之道春避清風夏避赤風秋避白風冬避黑風
鹽鏡論曰太平之時風不鳴條雨不破塊

又曰林中多疾風富貴多諛言

樂動聲儀曰風氣者禮樂之使万物之首也物靡不以風成熟
也風順則歲美風暴歲則惡

國語曰海鳥曰爰居止於魯國東門之外臧文仲使國人祭之
展禽曰今之海鳥有災乎夫廣夫廣川鳥獸恒知避其災也是
歲海多大風

又曰飄風之末不能奉鴻毛

又曰大見而清風戒寒清風至而修城郭

物理論曰風者陰陽亂氣激祭而起者也猶人之怒氣曰喜怒
哀樂激越而祭也故春氣溫以和喜風也夏氣盛其風燄以怒
風也秋風勁其風清以貞清風也冬氣石其風慘以烈固風
也此四正之風也又有四維之風東北明庶風物出幽入明也
東南融風以道以長也西南清和万物備成也西北不周方潛
藏也此八風者方土異氣徐疾不同和平則順違逆則凶非有
使之者也氣積自然怒則飛沙揚礫廢屋拔樹喜則搖枝動草

順物布氣天地之性自然之体也

楚宋玉風賦曰楚襄王遊於蘭臺之宮宋玉景產侍有風颭然而王乃披襟而當之曰快哉此風寡人所与庶人共者耶宋玉對曰此独大王之風耳庶人安得共之夫風生於地起於青蘋之末浸淫谿谷盛怒於土壤之口緣於太山之阿舞於松柏之下故其清涼雄風則飄乎升降承凌高城入於深宮徘徊於桂椒之間翱翔於激水之上獵蕙草离秦衡槩葦莖披拂揚狗彘中庭北上玉堂躋於羅帷經於洞房故其氣也清又冷又愈病折醒發明耳目寧体便人此謂大王之雄風大庶人之風壅然

起於窮巷之間動沙堰吹死灰此謂庶人之雌風也

楚辭曰風光轉蕙汎崇蘭

又曰嫋又兮秋風洞庭波兮木葉下

相風

崔豹古今註曰司風鳥夏禹所作

王子年拾遺記曰帝與娥皇汎於海上以桂枝為表結芳茅為旂刻玉為鳩置於表端言知四時之候令相風此遺像也

曆書曰廢帝初即位有野雉集於相風後為相温所廢

沈約宋書輿服志曰案周礼辨載法物莫不祥究然無相風畢

旄頭之彙此非古制明矣愚謂並戰國並爭師旋數出縣鳥之設務察風祲疑是秦制矣

梁書曰長沙王懿孫季微字希莊射策甲科除秘書郎太子舍人從幸華林園於坐獻相風鳥華林殿景陽山等頌其文甚美帝深賞之

晉令曰車駕出入相風已前侍御史令

淮南子曰故終身誅於入譬若統之是風也

統音緩候風者也世所謂五兩

述征記曰長安宮南靈臺上有相風銅鳥或云此鳥遇于風乃

動

鄭玄相風賦曰昔之造相風者其知自然之極乎其達交通之理乎上稽天道場精之運表以靈鳥物象其類下憑地体安貞之德鎮以金虎玄成其氣風雲之應龍虎是從觀妙之微神明所通夫能立成器以占吉凶之先見者蓋精乎此乃構相風因象設形蜿蜒盤虎以為趾建修竿之亭又体正直而無撓度徑挺而不傾棲神鳥於竿首候祥風之表征

張華相風賦曰太師候部有相風在西城上而作者弗為豈以其託處幽閑遠衆特立無羽之毛飾而丹漆不為之容乎傳咸相風賦曰相風之賦蓋以賦矣然辭義大同唯中書張令

以太史相風，獨無文飾。故持賦之太僕寺丞武君賞樹一竹於前庭，其上頗有樞機，挿以鷄毛，干以占事，知來與彼，無異斯乃簡易之至。里殊太史相風，張氏之醒，非其至者也。翟翟竹竿，在武之庭，厥用自然，既脩且直，挿羽其首，丹漆弗營，經之營之不日成之。

庾闡揚都賦曰：雲虎之門，双竿內啓，祥鳥司颺，丹墀竟陞。

太平御覽卷第九

太平御覽卷第十

天部十

雨

釋名曰：雨，羽也。如鳥羽動則散。

又曰：雨水從雲下也。雨者輔也。言輔時而生養。

說文曰：霰，霰音酸小雨也。霰音子廉微雨也。霽音資雨聲也。溟，小雨也。

澍，時雨也。滑音子八雨下也。

易曰：密雲不雨，自我西郊。

又曰：匪冠婚，彌遇雨則吉。

又曰雲行雨施

又曰雨以潤之

書曰若歲大旱用汝作霖雨

又曰洪範休徵曰肅時雨苦

又曰納于大麓烈風雷雨弗迷

詩曰有滄淒與雨祁

又雨我公田遂及我私

滄陰雲兒淒又雲行之兒祁又尤徐

徐也

又曰月離于畢傍沲矣

月離陰星則雨

又曰我來自東零雨其濛觀鳴於怪婦難於室

鄭玄註曰將陰則穴處者先知之觀好水將南長鳴而喜也

又曰習又谷風以陰以雨

禮記曰令曰仲春之月始雨水孟春行夏令則雨水不將行秋令則暴雨忽至行冬令則水潦為敗

又曰季春行夏令則時雨不降行秋令則璫雨降早

又曰時雨將見下水上騰

又曰立春夏命有司祀雨師

又曰孟夏行秋令則苦雨數來

又曰六月中氣後五日大雨時行

又曰仲秋行春令則秋雨不降

又曰仲冬行秋令則天時雨汁瓜瓠不成

又曰諸侯朝天子雨霑服失容則止

又曰天降時雨山川出雲

又曰風雨不節則飢

又曰疾風迅雷甚雨則必變

傳曰隱公九年三月癸酉大雨霖以震書始也

又曰宋大水魯莊公吊焉曰天作靈雨以害于棗盛若之何不

吊

又曰如百穀之仰膏雨

又曰雨三日以往為霖

又曰衛旱卜有事于山川不吉寧莊子曰昔周飢克殷而年豐

今邢方無道欲使衛討刑焉從之師與而雨

又曰臧文仲如晉雨過御叔在其邑將飲酒御卅魯大夫也曰焉用聖

人武仲多知情時人謂聖人也我將飲酒而已雨行何以聖焉

公羊傳曰觸石而出膚寸則手為膚案指為寸信觸石理而出無有膚寸而不合也不崇朝

徧雨天下者為太山之雲爾穀梁傳曰春正月不雨者勤雨也

欬雨之心勤也夏四月不雨言不雨者閔雨也經一時不雨民之至憂也閔憂閔六月

雨者喜雨也

爾雅曰甘霖時降萬民以嘉謂之醴泉

又曰暴雨謂之凍小雨謂之霖霖久雨謂之霖霖時雨謂之霖
易稽覽圖曰降陰為雨陰降之雨潤而不破塊京房易飛候曰
凡候雨以翔弦望雲漢四塞者皆當雨東風曰當雨有黑雲氣
如覆槃於日下當雨有黑雲氣如斗昆當雨暴雨有異雲如水牛
不出三日大雨有黑雲如群羊奔如飛鳥五日必雨有雲如浮
船皆為雨北斗獨有雲不出五日大雨四望見青白雲名曰天
塞之雲雨微也有蒼黑雲細如杼軸蔽日月五日必雨雲如雨

人提鼓持桴皆為暴雨

又曰太平之時十日一雨凡歲二十六日此休徵時若之應

尚書說曰淮南暴雨名也

尚書大傳曰五岳皆觸石而出雲不崇朝而雨

又曰成王時有越裳氏來朝日久矣天之無烈風東西南北來

也無澍雨暴雨也意其中國有聖人乎

禮統曰雨者輔者生養均徧故謂之雨

大戴禮曰天地之氣和即雨

禮斗威儀曰君秉金而王其政象平則嘉雨時至

春秋說題辭曰一歲三十六雨天地之氣宣十日小雨應天文十五日大雨以升運也

又曰陽制陰故水為雨

春秋繁露曰木有變則春多雨此徭役衆賦歛重故也

春秋元命苞曰陰陽和而為雨

史記曰秦始皇時置酒而天雨階禱者沾寒傷梅見而哀謂之曰汝欲休乎階禱者曰幸優梅曰我既行乎汝應疾曰諾居有頃殿上又手名歲梅大呼曰階禱即曰諾優梅曰汝雖長何益幸雨立我短幸休居梅是使得半相伐

又曰夫子當行命弟子持具既而果雨曰昨夜月不宿畢故知之

范曄後漢書曰高鳳字文通家貧好孝不休其家膠麥令鳳守雞以竿授其手中鳳執竿讀書雨大至鳳讀書不覺執竿如故其妻還麥流甚以為怒鳳亦不媿

後漢書曰郭林宗常於陳梁間行遇雨中一角墊時人乃折角以為林宗巾其見慕如此人

承後漢書曰百里嵩字景山為徐州刺史境旱嵩出此處甘雨輒澍東海祝其合鄉等三縣父老訖曰人等是公百姓獨不迂

降迴赴雨隨車而下

東觀漢記曰王郎起光武自東南馳及至劍宮遇大風雨而雨引車入道傍舍馮異挹薪鄧禹爇火光武對灶燎衣

又曰順帝陽嘉元年立順帝烈皇后是時自冬至春不雨尊后之日嘉澍沾渥

又曰沛獻王輔善良京氏永平元年京師少雨上御雲臺自卦以周易林占之其繇曰蚁封穴戶大雨時至上以問輔又上書曰塞艮下為山坎上為水山雲為蚁穴居知雨將至故以蟻為

與

漢書名臣奏曰天陰雨人之病為之先動是陰相應而起也天將陰雨又使人睡臥者陰氣也

魏志曰曹直伐蜀從子午道南入諸軍或從斜火道會大霖雨四十餘日棧道斷絕詔直還

又曰太祖在長安使曹仁討閔羽於樊秋大霖雨漢水溢平地水數丈六軍皆沒

晉書曰詔以王雅為太子少傅將拜遇雨請以繖入王珣不許曰冒雨拜

又曰樊英隱於壺山常有暴風從西南起英謂學者曰成都市

火甚盛因含水西向噴之乃令記其時日從有從蜀郡來者云
是日大火有雲從東起須臾大雨

神仙傳曰辛巳蜀人徵為尚書大朝得酒不飯西南噴之詔問
已又曰臣本縣城都大火炬以酒為雨救之帝驚懾問或云是
時雨從北來猶有酒氣

襄陽傳曰巫山神女朝為行雲暮為行雨

西京雜記曰董仲舒曰太平之時雨不破塊津益潤果而已

又曰董仲舒曰陰陽二氣之初蒸也若有若無若實若虛團攢
聚合其体稍重乘虛而墜風多則合速故雨大而速風少則合

遲故雨細而密

湘洲記曰零陵山有石燕遇風雨即飛止還為石

王采安城記雨萍鄉西津名玉女岡天當雨輒先湧五色氣如
石間倍謂玉女披衣

搜神記曰武王伐紂至河上雨甚病疾雷晦冥揚波於河衆甚
惧武王曰余在天下誰敢干余者風波立濟

述異記曰廬山有康王谷北嶺上有一城號劉城天每有雨輒
聞山上有鼓角簫笛之聲村之人以為常候

武昌記曰武城東南有金牛岡西有石鼓山上有三石鼓鳴天

必雨

羅浮山記曰山有龜淵又有神龜鼻貫銅鏤若有人穢此淵

即註雨

周處風土記曰榆莢雨春黃雀風濯梅雨六月之雨也

又曰六月有大雨名濯之雨

荆楚歲時記曰六月必有三時雨田家以為甘澤色里相賀曰

嘉雨

王子年拾遺記雨濛又似露草木則洎瀝雨也

又曰書雲成香雨

帝王世記曰黃帝遊洛水上見大魚殺五牲以醮天乃甚雨也

七日七夜魚流始得圖書今河圖是也

家語曰孔子將行遇雨不假蓋於子夏護其短也

又曰齊有一足之鳥集於殿前舒翅而跳齊侯異之使腹魯訪

諸孔子曰此鳥名曰商羊昔有童兒屈其一脚振訊雨臂而跳

且謠曰天將大雨商羊鼓舞今齊有之其應至矣急告趣治溝

渠脩隄防將有大雨水為灾果大雨水溢泛諸傷害人民唯齊

有備不敗景公曰聖人之言信而有徵矣

莊子曰宋景公時大旱三年卜云以人祀乃雨公下堂頓首曰

吾所求者為人今殺人不可將自當之言未卒天大雨方千里
又曰堯讓天下於許由許由曰日月出矣而燭火不息時雨降
矣而尤浸灌不亦勞乎

文子曰若与俗處尤走逃雨也無之而不濡

列子曰赤松子神農時雨師也

廣城子曰黃帝時雲不待族而雨

尸子曰神農理天下欬雨則五日為行雨旬為谷雨旬五日為
時雨万物咸利故謂神雨

孟子曰油然作雲霈然下雨

抱朴子曰軍始發大風甚雨起於微朦之微也軍始出雨沾衣
謂之潤兵軍有功雨不足沾之是謂泣軍必敗

又曰無雲而雨是謂雨血將軍當揚兵講武以應之雨軍中尤
甚者將軍戰必無功也

管子曰冬作土功發地藏則夏多雨暴秋霖不止

又曰春發五政一日論幼孤赦有罪二日賦爵列授祿位三日
脩溝洫復亡人四日治封疆正阡陌五日無杀魔邪無絕華夢
五五徇時春雨乃來淮南

子曰失火遇雨福中有福

又曰人莫鑑於沫雨而鑑於止水者以其淨也

沫雨潦上沫起
覆蓋也言其濁

撓不見
人刑也

又曰朱鼈浮于水上必大雨

又曰天且魚也已噲

又宜檢
反

又曰黑螭神虬潛泉而居將雨躍

利 螭音

鄒子曰朱買臣攷又脩孝不覓雨之流粟

韓子曰荆人伐陳吳救之軍間三十里雨十日夜左史倚

相謂子期曰雨十日甲輯兵聚吳人必至如備之乃為陣未成

而吳人至見荆有戒而反

傅子曰昔者伯牙子遊于泰山之陰逢暴雨之於岩下援琴而

鼓之為霖雨之音更造崩山之曲每奏鍾期輒窮其輒曰善哉

子之聽也

孔叢子曰孟思答懸子曰以子產仁愛譬夫子猶浸水之與膏

雨夫浸所及則生不及則死生皆知焉膏雨之所生也廣莫大

焉民之受賜也普矣莫識其由也

呂氏春秋曰武王伐紂至鮪水使膠鬲候周師問武王曰西伯

何時至曰將以甲子曰至膠鬲行矣大雨日夜不休武王疾行

不輟軍吏諫武王曰吾疾行以救膠鬲之死也

揚子曰法言曰震風淋雨然後知厦屋帡幪震雨凌暴也厦大也帡彰幪覆

廣雅曰雨師謂屏翳

纂要曰疾雨曰驟雨徐雨零雨雨久曰苦雨亦曰愁霖雨晴曰啓雨水曰潦雲雨曰滄雨亦曰油雲

戰國策曰文侯与虞人期獵是日天雨文侯將出左右諫止曰吾與虞人期不可失乃往魏於是始強

易林变曰占田雷君出紫隱西行霖雨霖雨不止流為江河周易集林雜占曰占天雨否卦得陰為雨得陽不雨其爻發变得坎為雨得离不巽化為巽先雨後風

博物志曰太公為灌坛令武王夢婦人當道夜哭問之曰吾是東海神女嫁與西海神童今為灌坛今當道廢我行我行必有疾雨暴風在太公邑外而過○六韜曰文王問散宜生卜伐紂吉乎曰不吉鑽龜又不兆著交加而折將行之日雨輜車至軫行之日幟折為三散宜生曰此卜四不祥不可奉事太公進曰是非是子之所知也祖行之日輜車至軾是洗濯甲兵也

師曠占曰候月知雨多少入月一日二日三日月色赤黃者其月少雨月色青者其雨多雨常以午卯日候西北有雲如群羊

者即有雨至矣冬戊己春辰巳日雨蝗虫食禾稼立春日雨傷
五禾立秋日雨害五穀常以戊己日日入時出時欲雨日上有
冠雲大者即雨少者少雨

天文要集曰北斗之旁有雲氣往又而黑狀似禽獸大如史席
不出三日必雨

又曰河有雲黑狀似般若一尺布維河不出十日大雨

又曰辰口守心有水灾一日大雨不可當

又曰北斗者不欲雲覆之黑雲覆之大雨

范子計然曰風為天氣雨為地氣風順而行雨應風而下舍曰

天氣下地氣上陰陽交通万物成矣

刘義慶曰世說曰謝太傅無嗔喜曾送兄征西葬还日暮雨馭
人皆醉不可處分公乃於車中手取車柱撞馭人声色甚怒

刘義慶幽明錄曰河南人趙良与其鄉人諸生之長安至新安
界遇霖雨粮汎相謂曰飢那得美食食邪應時羹飶具備有人
声語雲進踈食

黄子發相雨書曰常伐申日候日欲入時日上有冠雲不問大
小視四方黑者大雨青者小雨候日始出日正中有雲覆日而
四方有雲黑者大雨青者小雨四方有雲如羊猪雨立至四方

北斗中有雲後五日大雨四方北斗中無雲唯河中有雲三枚
相連狀如活猪豨三日大雨以丙丁之辰四方無唯漢中有者
六十日風雨和常以六甲之日平且清明東向生日始出時日
上有雲大小貫日中青者以甲乙赤者丙丁雨日白者庚辛日
雨黑者壬癸雨黃者戊己雨六甲日四方雲合皆者即雨以天
方雨時視雲有五色黑赤並見者即電黃向雜者風多雨少青
黑雜者雨隨之必滂沛汙潦

又曰四方有濯魚雲遊疾者即日雨遊遲者雨少難至
說苑管仲曰五不能以春風又人夏雨又人吾道窮矣

又曰楚莊王伐陳吳救之雨十日夜晴

左史倚相曰吳師必夜至甲裂壘壞彼必簿我何不行列鼓出
待之吳師至見楚軍成陣而還

又曰武王伐紂過遂則斬岸過水則折舟示人無反志也至於
有戒之遂大風折旆散宜生諫曰此其妖歟武王曰非也天落
兵也風齊而乘以大雨散宜生又諫曰此非妖歟王曰非也洗
兵也

風俗通曰雨師為玄冥

山海經曰羽山其上多雨將陽之山多恠雨

括地圖曰谷山有藁雲甘雨

太平御覽卷第十終

